

**BOSNA I HERCEGOVINA
FEDERACIJA BOSNE I HERCEGOVINE
ZENIČKO – DOBOJSKI KANTON
KANTONALNO TUŽILAŠTVO
ZENIČKO – DOBOJSKOG KANTONA**

**Broj: T04 0 KT 0059402 24
Zenica, 02.10.2025. godine**

**OPĆINSKI SUD U TEŠNJU
Sudija za prethodno saslušanje
TEŠANJ**

Na osnovu člana 45. stav 1. i 2. tačka i), člana 241. stav 1. i člana 242. Zakona o krivičnom postupku Federacije Bosne i Hercegovine (ZKP F BiH), podižem,

OPTUŽNICU

Protiv:

1. **L. F.**, zvani „F.“, neosuđivan,
2. **L. M.**, osuđivan,
3. **T. E.**, osuđivan

Što su,

L. F., sam

1. Dana 17.05.2024. godine u 18,41 sati, na području općine Tešanj ugrozio sigurnost G.R. ozbiljnom prijetnjom da će napasti na njegovo tijelo, na način da je putem aplikacije „...“, sa svog profila „F. L.“ poslao poruku na njegov profil „R.G.“ sadržaja: „Kicmu cu ti slomiti nanu ti j* u p* sad cu te ja nac“, koje prijetnje su kod G. R. izazvale strah i uznemirenost doživljavajući ih naročito ozbiljnim, iako je znao i bio svjestan da na opisani način ugrožava sigurnost druge osobe, što je i htio,

Dakle, ozbiljnim prijetnjama ugrozio sigurnost druge osobe,

L. F., L. M. i T. E., zajedno

2. Dana 17.05.2024. godine oko 21,00 sat, ispred frizerskog salona „...“, vl. G. R., u naseljenom mjestu ..., općina Tešanj napali G. R. i njegovog oca G. I., na način da se L. F., nakon preduzetih radnji opisano pod tačkom 1., vozilom marke BMW dovezao pred frizerski salon „...“ te noseći u ruci oruđe - čekić za razbijanje stakla prišao G. R. koji je izašao ispred navedenog salona te nakon kraće prepirke sa R. i nakon što mu je rekao da mu je on poslao prijeteću poruku, navedenim predmetom je zamahnuo prema R. u namjeri da ga udari u čemu ga je spriječio R. otac G. I. tako što mu je blokirao

ruku i ugurao ga u njegovo vozilo da bi se potom vozilom ... pred salon dovezli L. M. i T. E. koji su po izlasku iz vozila fizički napali G. R. i njegovog oca G. I., zadajući im udarce u predjelu glave i tijela, svjesni da nasiljem prema istim ugrožavaju građanski mir i da ih mogu tjelesno ozlijediti, što su i htjeli, da bi potom osumnjičeni sjeli u svoja vozila i prilikom odlaska L. F. prednjim dijelom motornog putničkog vozila marke „...“ udara u B. M., koji se tu zadesio i koji je pokušao da pruži pomoć G. R. i G. I., a uslijed kojih povreda su G. R. i njegov otac G. I. zadobili lake tjelesne ozljede i to, G. R. nagnječene glave i trbuha i desnog stopala, nagnječenje sa oguljotina kože lijeve strane lica i oguljotina kože obe podlaktice i obe šake, a G. I. nagnječenje glave i lijevog ručnog zgloba, nagnječenje desne lopatice sa oguljotinama kože i oguljotine kože desne strane lica, donje usne, desne podlaktice i regije lijevog ručnog zgloba

Dakle, naročito drskim ponašanjem, nasiljem prema drugome ugrozili građanski mir kojom prilikom je više osoba tjelesno ozlijeđeno.

Čime su

L. F., pod tačkom 1. počinio krivično djelo ugrožavanje sigurnosti iz člana 183. stav 1. KZ F BiH u sticaju sa krivičnim djelom nasilničko ponašanje iz člana 362. stav 2. u vezi sa stavom 1. KZ F BiH a u vezi sa članom 31. KZ F BiH, sve u vezi sa članom 54. KZ F BiH,

L. M., T. E. i L. F. u saizvršilaštvu pod tačkom 2. počinili krivično djelo nasilničko ponašanje iz člana 362. stav 2. u vezi sa stavom 1. KZ F BiH, a u vezi sa članom 31. KZ F BiH.